




Sarajevo, 20.11.2025.godine

**KOLEGIJU PREDSTAVNIČKOG DOMA
PARLAMENTARNE SKUPŠTINE BiH**
n/r članova Kolegija



Na osnovu člana 166. stav (1) i člana 170. stavovi (1) i (2) Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), podnosim poslaničku

INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara BiH da kroz bilateralne razgovore sa Republikom Hrvatskom i međuinstitucionalnu saradnju, a u saradnji sa Upravom za indirektno oporezivanje BiH i nadležnim institucijama Republike Hrvatske, izvrši analizu tehničkih i infrastrukturnih potreba s ciljem povećanja kapaciteta graničnih prijelaza kroz uvođenje većeg broja aktivnih ulazno-izlaznih traka i kontrolnih punktova na najopterećenijim graničnim prijelazima a što je posebno izraženo na GP Izačić i GP Maljevac.

Obrazloženje:

Uvođenjem novog sistema ulaska državljana zemalja koje nisu članice Evropske unije u šengenski prostor – Entry/Exit System (EES), čija implementacija je započela 12. oktobra 2025. godine, došlo je do značajnog usporavanja protoka putnika i formiranja višesatnih kolona na pojedinim graničnim prijelazima između Bosne i Hercegovine i Republike Hrvatske.

Posebno izraženi problemi zabilježeni su na graničnim prijelazima Izačić i Maljevac, gdje se, i u redovnim okolnostima, bilježe gužve tokom vikenda i praznika. Uvođenjem EES sistema, koji podrazumijeva elektronsko evidentiranje ličnih i biometrijskih podataka prilikom svakog prelaska granice, vrijeme čekanja dodatno se produžilo, što značajno otežava kretanje građana BiH, kao i funkcionisanje prekogranične trgovine i turizma. S obzirom na navedeno, nužno je da Vijeće ministara BiH aktivno i koordinirano reagira kako bi zaštitilo interes građana i privrede, tako i da, kroz dijalog sa hrvatskim institucijama i zajedničke radne mehanizme, definiše tehničke i operativne odgovore (privremene i trajne) koji će smanjiti negativne efekte na protok ljudi i robe.

S obzirom na to da je Vijeće ministara BiH na svojoj 90. sjednici razmatralo Informaciju o uvođenju novog sistema upravljanja granicama Evropske unije, ali nije razmotreno pitanje povećanja broja aktivnih traka i kontrolnih punktova na najopterećenijim graničnim prijelazima, predlažem da se Vijeće ministara aktivno uključi u rješavanje ovog problema putem bilateralnih razgovora sa vlastima Republike Hrvatske, te kroz zajedničke radne grupe nadležnih ministarstava i graničnih službi. Predložene mjere bi trebale sadržavati kombinaciju

kratkoročnih i brzo primjenjivih operativnih rješenja (privremeno proširenje broja aktivnih traka u vršnim periodima i dugoročnih tehničkih rješenja (trajno otvaranje dodatnih traka i kontrolnih punktova, prilagodba infrastrukture za ugrađene kioske i biometrijske stanice, sanacija i proširenje pristupnih saobraćajnica).

Napominjem da je ovaj pristup u interesu građana i domaće privrede, kao i u skladu s obavezom BiH da kroz saradnju sa susjednim državama i međunarodnim partnerima osigura sigurne i efikasne granične procedure.

Poslanik SDP BiH

Albin Muslić

